

Alþingi
b.t. velferðarnefndar
Kirkjustræti
150 Reykjavík

Efni: Frumvarp til laga um þjónustu við fatlað fólk með miklar stuðningsþarfir – 26. mál.

Vísað er í tölvupóst frá Velferðarnefnd Alþingis dags. 18. desember sl. þar sem óskað er eftir umsögn um ofangreint þingmál. Vísað er til fyrri umsagnar vegna frumvarpsins.

Tekið er undir og stutt við framkomna umsögn Samband íslenskra sveitarfélaga.

Því er fagnað að NPA samningar eru lögfestir sem valkostur fyrir fatlað fólk. Mikilvægt er að útfærsla samninganna liggi fyrir og tekið er undir athugasemdir sem fram koma í umsögn Sambandsins. Ástæða er til að taka sérstaklega undir kröfu Sambandsins um að samhliða lögfestingu NPA hækki hlutdeild ríkisins í samningunum úr 25% í 30%.

Í 20. og 21. gr. frumvarpsins er fjallað um búsetu barna utan heimilis. Fram kemur að ráðuneytið skuli skipa sérfræðingateymi vegna barna með fjölþættan vanda eða barna sem, vegna fötlunar sinnar, þurfa annars konar og meiri þjónustu en unnt er að veita á heimili fjölskyldna þeirra. Ljóst er að á síðustu árum hefur úrræðum ríkisins vegna barna með fjölþættan vanda fækkað sem veldur því að umtalsverður kostnaður hefur fallið á sveitarfélögin. Skýra þarf hlutverkaskiptingu ríkis og sveitarfélaga þegar kemur að börnum með fjölþættan vanda. Sé það skylda sveitarfélaga að útbúa og reka heimili fyrir börn með fjölþættar raskanir hvort sem mál tekst fötlunar- eða barnaverndarmál er skilyrði að fjármagn fylgi frá ríki til sveitarfélaga.

Lögð er áhersla á skipun samráðsnefndar sem hafi það hlutverk að fylgjast með þróun og kostnaði við félagsþjónustu næstu ár. Skipun nefndarinnar og hlutverk verði tryggt með lagastoð.

Hafnarfjörður 22. janúar 2018

Rannveig Einarsdóttir

Sviðsstjóri Fjölskylduþjónustu Hafnarfjarðar.